

Kitoktô ê Hêngûi

3 Lí tiòh thêchhéⁿ tãike hòkchiông thóngtīchiá kah chiángkoánchiá, tiòh sūnhòk in, koh tiòh sūisí chúnpī piānpīan thang chò tàk hāng hó sū; ² m̄ thang húipòng, m̄ thang oanke; tiòh khiamkiong iúsiān, ēng unjiū tuihāi sūu ê lâng. ³ Inūi lán íchēng mā sī bŭti, pōegèk, siū bēhèk, chiāⁿchò kok chióng suiòk kah hiónglòk ê lôlê, sengoah tī októk kah oàntòr tióng, hōsiong oàn hūn, píchhú thóia.

⁴ M̄ koh, tng lán ê KiùChú SiōngChú ê chúpi kah jīnài hiánhiān ê sī,

⁵ I tòh ē chíngkiù lán,

m̄ sī inūi lán só kiāⁿ ê konggī,

khiok sī inūi I ê liānbín.

I thongkòe hō lán tēngthau seⁿ ê sélé kah Sènglêng ê ōaⁿ sin lâi chíngkiù lán.

⁶ SiōngChú thongkòe lán ê KiùChú Iésu Kitok,

kā Sènglêng honghong hùhù koànak tī lán sinchiūⁿ,

⁷ hō lán thang thongkòe I ê intián lâi chhengchò gīlàng,

ē tàng sēngsiū lán só òngbāng ê éngseng.

⁸ Chiahê ōe sī chinsít ê.

Góa òngbāng lí tèkpiát kiôngtiāu chiahê tãichì, thang hō hiahê sionsin SiōngChú ê lâng chhisiok liúsim chò hó sū. Chiahê tãichì lóng sī hó ê, jīchhiáⁿ tui láng ū liék.

⁹ Chóng sī, lí tiòh siámpī gūgōng ê chenglūn, chòkphó, huncheng, kah lúthoat siōng ê chengchip, inūi chiahê tãichì lóng sī bô liék koh bô kètát ê. ¹⁰ Tui hiahê chèchō huncheng ê lâng, kā i kéngkài chit nng pái liáuāu, tòh m̄ thang koh kah i ónglái. ¹¹ Inūi lí chai chit khoán lâng íkeng pāihoāi, i áne kesiók hoānchōe sī teh kā kakī tēngchōe.

基督徒 ê 行為

3 你 tiòh 提醒大家服從統治者 kah 掌權者， tiòh 順服 in， koh tiòh 隨時準備便便 thang 做 tàk 項好事； ² m̄ thang 誹謗， m̄ thang 冤家； tiòh 謙恭友善， 用溫柔對待所有 ê 人。 ³ 因為咱以前 mā 是無知、悖逆、受迷惑， 成做各種私慾 kah 享樂 ê 奴隸， 生活 tī 惡毒 kah 怨妒中， 互相怨恨， 彼此討厭。

⁴ M̄ koh， 當咱 ê 救主上主 ê 慈悲 kah 仁愛 顯現 ê 時，

⁵ 祂 tòh ē 拯救咱，

m̄ 是因為咱所行 ê 公義，

卻是因為祂 ê 憐憫。

祂通過 hō咱重頭生 ê 洗禮 kah 聖靈 ê 換新來拯救咱。

⁶ 上主通過咱 ê 救主耶穌基督，

kā 聖靈豐豐富富灌 ak tī 咱身 chiūⁿ，

⁷ hō咱 thang 通過祂 ê 恩典來稱做義人，

ē tàng 承受咱所 òng 望 ê 永生。

⁸ Chiahê 話是真實 ê。

我 òng 望你特別強調 chiahê tãichì， thang hō hiahê 相信上主 ê 人持續留心做好事。 Chiahê tãichì lóng 是好 ê， 而且對人有利益。

⁹ 總是， 你 tiòh 閃避愚戇 ê 爭論、族譜、紛爭， kah 律法上 ê 爭執， 因為 chiahê tãichì lóng 是無利益 koh 無價值 ê。 ¹⁰ 對 hiahê 製造紛爭 ê 人， kā 伊警戒一兩 pái 了後， tòh m̄ thang koh kah 伊往來。 ¹¹ 因為你知 chit 款人已經敗壞， 伊 áne 繼續犯罪是 teh kā kakī 定罪。

Chòeāu ê Kàsī kah Chhéngan

12 Góa chhephài Athêmá á sī Tukhikó khì lí hia ê sī, lí tiòh kóaⁿkin khì Nìkopolī chhōe góa, inūi góa íkeng koattēng beh khì hia kòe tang. 13 Lí tiòh chīnliōng pangchān lúthoatsu Seláp kah Apolô líhēng sī ê suiàu, thang hō in ansim chhuthoat. 14 Lí mā tiòh hoanhù lán kakī ê lāng, ūi tiòh kiongkip kínkip ê suiàu, in mā tiòh háksíp hiànsin chò hósū, biántit chiāⁿchò bô kiat kóechí ê lāng.

15 Sōū kah góa chòhóe tī chia ê lāng lóng beh kā lí chhéngan, mā chhiáⁿ thè goán kā hiahê inūi tângsìn lâi thiàⁿ goán ê lāng chhéngan.

16 Goān SiōngChú ê intián kah lín tǎike tôngchāi!

最後 ê 教示 kah 請安

12 我差派亞提馬 á 是推基古去你 hia ê 時，你 tiòh 趕緊去尼哥坡里 chhōe 我，因為我已經決定 beh 去 hia 過冬。13 你 tiòh 盡量幫贊律法師西納 kah 亞波羅旅行時 ê 需要，thang hō in 安心出發。14 你 mā tiòh 吩咐咱 kakī ê 人，為 tiòh 供給緊急 ê 需要，in mā tiòh 學習獻身做好事，免得成做無結果 chí ê 人。

15 所有 kah 我做伙 tī chia ê 人 lóng beh kā 你請安，mā 請替阮 kā hiahê 因為同信來疼阮 ê 人請安。

16 願上主 ê 恩典 kah lín 大家同在！